




კვლევის შედეგები

ინფორმაციით თუ არა სასამართლოს? (2005-2011 წლის დინამიკა)



მოსამართლეებმა ფიცის დადების საზეიმო ცერემონია გაიმართა.

უზენაეს სასამართლოში მოსამართლეთა ფიცის დადების საზეიმო ცერემონია გაიმართა. იუსტიციის უმაღლესი საბჭოს წინაშე ოთხმა მოსამართლემ - ბიძინა სტურუამ, დავით ახალბედაშვილმა, ბადრი შონიამ და დავით ნარიშვილმა წარმოთქვეს ფიცი და პირველად ჩაიცვეს მოსამართლის მანტია.

ახალდანიშნულმა მოსამართლეებმა წარმატებით დაამთავრეს იუსტიციის უმაღლესი სკოლა. ისინი უფლებამოსილების განხორციელებას საქართველოს სხვადასხვა რეგიონის სასამართლოებში შეუდგებიან.

ფიცის დადების ცერემონიას რუსთავის სკოლა-ლიცეუმის უფროსკლასელები დაესწრნენ. სასამართლო ხელისუფლება მნიშვნელოვნად მიიჩნევა სკოლის მოსწავლეებისა და სტუდენტებისთვის სასამართლოში მიმდინარე პროცესების შესახებ ინფორმაციის მიწოდებას.

ფიცის დადების ცერემონიაზე დასწრებით აღნიშნული სკოლის მოსწავლეები უმუშაოდ გახდნენ მოსამართლეთა საქმიანობაში ერთ-ერთი ყველაზე მნიშვნელოვანი და საპასუხისმგებლო ცერემონიის მონაწილეები.

ცნობისთვის საქართველოს სასამართლო სისტემაში მუშაობს 154 ახალი მოსამართლე, რომლებიც თანამდებობაზე გამწესდნენ მოსამართლეთა შერჩევისა და დანიშვნის როგორც ძველი, ისე ახალი წესით. ამასთან, 2009 წლის მარტამდე სასამართლო სისტემაში ძველი წესით დანიშნულია 128 მოსამართლე, ხოლო იმავე წლის ივნისიდან მოსამართლეებად ინიშნებიან მხოლოდ იუსტიციის უმაღლესი სკოლის კურსდამთავრებული კანდიდატები, რომლებმაც გააიარეს 10-თვიანი სასწავლო პროგრამა, რომელიც მოიცავს როგორც თეორიულ ისე პრაქტიკულ კურსს. დღეისათვის სასამართლო სისტემაში ახალი წესით დანიშნული 26 მოსამართლე მუშაობს.

154 ახალი მოსამართლიდან 85 კაცია, ხოლო 69 - ქალი. მათი საშუალო ასაკია 33,5 წელი. 27 მათგანს გამოცდა ჩაბარებული აქვს საერთო სპეციალიზაციით, 54-ს - სამოქალაქო და ადმინისტრაციული სამართლის სპეციალიზაციით, ხოლო 73-ს - სისხლის სამართლის სპეციალიზაციით.

ამჟამად 6 მათგანი მუშაობს უზენაეს სასამართლოში, 27 - სააპელაციო სასამართლოებში, ხოლო 121 - პირველი ინსტანციის სასამართლოებში.

სასამართლოს გამამართლებელი განაჩენი

ზესტაფონის რაიონულმა სასამართლომ ქურდობის მცდელობაში ბრალდებული სამი პირის მიმართ გამამართლებელი განაჩენი გამოიტანა.

საქმის მასალების მიხედვით, ზესტაფონის რაიონის სოფელ აჯამეთში, მინისქვეშ არსებული 7 770 ლარის ღირებულების წყლის მილების მართლსაწინააღმდეგოდ, ფარულად დაუფლების მცდელობაში გამოძიებამ ბრალი ლევან ნიკოლაძეს, როლანდ ბახტიძესა და ისიდორე ჟორჯიანიანს დასდო. დანაშაული სასჯელის სახით 4-დან 7 წლამდე თავისუფლების აღკვეთას ითვალისწინებს. სასამართლოში საქმის არსებითად განხილვის ეტაპზე ბრალდებულებმა წარდგინეს ბრალი უარყვეს. სასამართლომ კი დაადგინა, რომ მათი დამნაშავედ ცნობისთვის გამოძიების დროს გამოკვლეული ბრალდების დამადასტურებელი მტკიცებულებები საქმარისი არ იყო.

ზესტაფონის რაიონულმა სასამართლომ ლევან ნიკოლაძე, როლანდ ბახტიძე და ისიდორე ჟორჯიანიანი უდანაშაულო ცნო და მათ მიმართ გამამართლებელი განაჩენი გამოიტანა.

უზენაესი სასამართლოს თავმჯდომარე კონსტანტინე კუბლაშვილმა ჟურნალისტებს საერთაშორისო სტანდარტებით ჩატარებული სასამართლოს მომხმარებელთა კვლევის შედეგები გააცნო. ოქტომბერში ჩატარებული კვლევის თანახმად, გამოკითხული მოქალაქეების 72 პროცენტი აცხადებს, რომ ენდობა სასამართლოს.

კვლევა განხორციელდა 8 საქალაქო და რაიონულ სასამართლოში. სულ გამოკითხა 2765 მოქალაქე, რომელიც გამოკითხვის დროისთვის იმყოფებოდა სასამართლოში.

სასამართლოს მიმართ მოქალაქეების დამოკიდებულების შეფასება შემდეგი პარამეტრების მიხედვით მოხდა: საქმეთა განხილვის ვადები, სა-

სამართლოს თანამშრომელთა მხრიდან დამოკიდებულება, ინფორმაციის გაცემის პროცედურების სიმარტივე, ნდობის მაჩვენებელი. აღსანიშნავია, რომ ყველა პარამეტრის მიხედვით, მდგომარეობა სასამართლოებში დადებითად ფასდება, რაც, საბოლოო ჯამში, სასამართლოსადმი ნდობის გაზრდაში გამოიხატება.

"აღნიშნული კვლევა განსაკუთრებული და გამორჩეული იყო იმიტომ, რომ სასამართლოებში მისული მოქალაქეები ადმინისტრაციული, სისხლის სამართლის და სამოქალაქო სამართლის მიმართულებით ცალ-ცალკე გამოკითხნენ. კვლევის მიხედვით, 72 პროცენტი ენდობა სასამართლოს, 14 პროცენტი კი - არ ენდობა," - აცხადებს უზენაესი სასამართლოს თავმჯდომარე, რომლის თქმი-

თაც, ბოლო წლების მანძილზე, საერთაშორისო ორგანიზაციების თუ საკუთარი რესურსებით ჩატარებულმა გამოკითხვებმა, რომელთაც სისტემატური ხასიათი აქვს, ერთი ძალზე მნიშვნელოვანი საკითხი გამოკვეთა - ქართული მართლმსაჯულების მიმართ მოქალაქეთა ნდობის დინამიკა ბოლო ხუთი წლის მანძილზე საგრძნობლად გაზრდილია.

2005 წელს მოსახლეობის დაახლოებით 35 პროცენტი აცხადებდა სასამართლოს ნდობას, 2011 წლის ოქტომბერში ჩატარებული კვლევის მიხედვით კი, ნდობის მაჩვენებელი 72 პროცენტამდე გაზრდილია.

"ეს მეტყველებს იმ ტენდენციაზე, რომ 2005 წლიდან, მას შემდეგ, რაც რეფორმა დაიწყო, სასამართლოს მიმართ მოქალაქეთა ნდობა

მუდმივად იზრდება. ეს კი, რეფორმების შედეგად მივიღეთ," - აცხადებს უზენაესი სასამართლოს თავმჯდომარე.

მისივე თქმით, მიუხედავად ასეთი მაღალი შედეგისა, სამუშაო კვლავ ბევრია.

"ჩვენი სურვილია, ნდობა უფრო მეტი იყოს. მომავალ წლებში ნაფიც მსაჯულთა სასამართლოს, ახალი სისხლის სამართლის საპროცესო კოდექსის სრულად ამოქმედებასთან ერთად ეს ნდობა კიდევ უფრო მაღალი გახდება," - მიიჩნევს კოტე კუბლაშვილი.

როგორც სასამართლოებში აცხადებენ, კვლევას აქვს ერთი უმთავრესი დანიშნულება - სასამართლოებში არსებული პრობლემების დანახვა, მათი ანალიზი და სიტუაციის გამოსწორებაზე მუდმივი ზრუნვა.

მორიგებით დასრულებული სამართლებრივი დავის უპირატესობა

რა უპირატესობა აქვს მხარეებს შორის დავის მორიგებით დასრულებას და რა ვალდებულება აკისრია სასამართლოს მხარეების მორიგების პროცედურასთან დაკავშირებით; როგორ ფორმდება მხარეებს შორის სამართლებრივი მორიგება და ვინ არის მისი დაცვის გარანტი? - ეს შეკითხვები ხშირად აქვთ არა მარტო იმ მოქალაქეებს,

რომელთა საქმეც უკვე განხილია სასამართლომ და შესაბამისი გადაწყვეტილება გამოიტანა, არამედ იმათაც, რომელთა საქმეც სასამართლოში განხილვის ამა თუ იმ ეტაპზეა. ხშირია ისეთი შემთხვევები, როდესაც მხარეებს მართლაც სურთ დავა მორიგებით დაასრულონ, თუმცა, გარკვეული თუ გაურკვეველი პრინციპების გამო უკან აღარ იხევენ და პრობლემის მარტივად, ერთმანეთთან მორიგებით გადაწყვეტაზე კატეგორიულ უარს ამბობენ. არადა, დავის გადაწყვეტის საუკეთესო საშუალება მხარეთა მორიგებაა, რაც შეიძლება განხორციელდეს როგორც საქმის სასამართლო განხილვამდე, ასევე სასამართლოში საქმის განხილვის ნებისმიერ ეტაპზე.

დავის მოგვარება მხარეებს შეუძლიათ მოლაპარაკების გზით. იმ შემთხვევაში, თუ შეთანხმებას ვერ მიაღწევენ, მათ შეუძლიათ მიმართონ სასამართლოს.

სასამართლოში საქმის განხილვის დაწყებისას მოსამართლე არკვევს, ხომ არ სურთ მხარეებს საქმის მორიგებით დამთავრება. რაც მთავარია, სასამართლო ვალდებულია, ყველანაირად შეუწყოს ხელი და მიიღოს კანონით გათვალისწინებული ყველა ზომა იმისთვის, რომ მხარეებმა საქმე მორიგებით დამთავრონ.

გარდა ამისა, მოსამართლე უფლებამოსილია თავისი ინიციატივით ან მხარის შუამდგომლობით გამოაცხადოს შესვენება სასამართლო სხდომის მიმდინარეობისას და სხვა პირების დასწრების გარეშე მოუხმინოს მხოლოდ მხარეებს ან მხოლოდ მათ წარმომადგენლებს.

მოსამართლეს ასევე შეუძლია მიუთითოს დავის გადაწყვეტის შესაძლო შედეგებზე და მხარეებს შესთავაზოს მორიგების პირობები.

საქმე ისაა, რომ მორიგებისას სადავო საკითხის გადაწყვეტა ხდება გაცილებით უფრო სწრაფად და მარტივად, ვიდრე სასამართლოს მიერ საქმის განხილვის და გადაწყვეტის შემთხვევაში. ეს ბუ-

ნებრივიცაა, რადგან სასამართლო განხილვა გაცილებით მეტ დროს მოითხოვს.

მხოლოდ პირველი ინსტანციის სასამართლოში საქმის განხილვისთვის კანონით გათვალისწინებულია 2 თვე. რთული კატეგორიის საქმეებზე კი - 5 თვე. თუ იმასაც გავითვალისწინებთ, რომ მხარეებმა შეიძლება ისარგებლონ სამივე ინსტანციის სასამართლოში გასაჩივრების უფლებით, შესაძლოა, დავა გაგრძელდეს საკმაოდ დიდხანს.

მორიგებისას საჭიროა მხოლოდ მხარეების დიალოგის გზით სადავო საკითხებზე შეთანხმება. მხარეების მორიგება ფორმით გამოაცხადოს შესვენება სასამართლო სხდომის დასრულებისას და სხვა პირების დასწრების გარეშე მოუხმინოს მხოლოდ მხარეებს ან მხოლოდ მათ წარმომადგენლებს.

გარდა დროის დაზოგვისა, დავის მორიგების ერთ-ერთი მნიშვნელოვანი უპირატესობა დაკავშირებულია ხარჯებთან. სახელმწიფო ბაჟის გარდა, რომლის ოდენობამ მხოლოდ პირველი ინსტანციის სასამართლოში, შესაძლოა, 100 ლარიდან 5000 ლარამდე მიაღწიოს, მხარეს ასევე ეკისრებათ პროცესის სხვა ხარჯების გაანხადება, რაც მოიცავს საქმის განხილვასთან დაკავშირებულ ადვოკატის მომსახურების, მტკიცებულებების უზრუნველსაყოფად გა-

წეულ, მონუმენტის, სპეციალისტიებისა და ექსპერტებისთვის გადასახდელ თანხას და სხვა ხარჯებს. ამ ყველაფრის შემდეგ კი არ არსებობს იმის გარანტია, რომ სასამართლოს მიერ მიღებული გადაწყვეტილება მხარეებისთვის სასურველი იქნება.

დავის მორიგებით გადაწყვეტა გაცილებით ნაკლებ ხარჯებთან არის დაკავშირებული. რაც დამოკიდებულია იმაზე, თუ რა ეტაპზე მოხდება მხარეებს შორის მორიგება.

თუ მხარეები მორიგდებიან სასამართლოს მთავარ სხდომაზე, მაშინ სახელმწიფო ბაჟის ოდენობა განახევრდება. ხოლო თუ მხარეებს შორის მორიგება მოხდება სასამართლოს მთავარ სხდომამდე, ასეთ შემთხვევაში, მხარე მთლიანად გათავისუფლდება, სასამართლო ბაჟისგან.

მორიგების მნიშვნელოვანი უპირატესობა ასევე არის ის, რომ ასეთ შემთხვევაში, მხარეები დავის ძირითად, პრობლემატურ საკითხებზე შეთანხმებით, ჯერდებიან იმ პოზიციაზე, რომელიც ორივე მხარისთვის მაქსიმალურად მისაღებია.



ნაფიც მსაჯულთა სასამართლოს პირველი პროცესი

უახლოეს პერიოდში, ქართული მართლმსაჯულების ისტორიაში პირველად, ნაფიცი მსაჯულთა მონაწილეობით, სასამართლო პროცესი შედგება. მიუხედავად იმისა, რომ ნაფიცი მსაჯულთა ინსტიტუტი ოფიციალურად ერთი წლის წინ ამოქმედდა, ნაფიც მსაჯულთა ჟიურის დღემდე არც ერთი საქმე არ განუხილავს. ნაფიცი მსაჯულთა ინსტიტუტის ამოქმედებიდან დღემდე, დამამძიმებელ ვარემოებში ჩადენილი მკვლელობის მუხლით, რამდენიმე საქმე იყო აღძრული, თუმცა, ნაფიც მსაჯულთა სასამართლოს ეს საქმეები იმ მიზეზით არ გადაეცა, რომ ბრალდებულები ჩადენილ დანაშაულს აღიარებდნენ. 7 ნოემბერს თბილისის საქალაქო სასამართლოში ნაფიცი მსაჯულთა პირველი სხდომა გაიმართება, რის შედეგადაც, არჩეული მსაჯულები პირველად შეიკრიბებიან და დამამძიმებელ ვარემოებებში ჩადენილ განზრახ მკვლელობისა და ყაჩაღობის ბრალდებით აღძრულ სისხლის სამართლის საქმის განხილვას დაიწყებენ.



ვა მოუწევს. საუბარია 17 წლის წინ მომხდარ გახმაურებულ დანაშაულზე - მინასიანების ოჯახის რამდენიმე წევრის მკვლელობაზე. საქმე შსს-მ ერთ თვის წინ გახსნა. როგორც შინაგან საქმეთა სამინისტროში და მთავარ პროკურატურაში მაშინ განმარტეს, გამოვლინდა გასული საუკუნის 90-იან წლებში საქართველოში მოქმედი ერთ-ერთი ყველაზე საშიში და განსაკუთრებული სისასტიკით გამორჩეული დანაშაულებრივი დაჯგუფება. სამართალდამცველებმა დაჯგუფების სამი წევრი - გიორგი ოთარაშვილი, რევაზ დემეტრაშვილი და ალექსანდრე რევაზიშვილი დააკავეს. მათ თანამზრახველებზე კი ძებნა გამოცხადებული.

მთავარი პროკურატურის ანტიკორუფციული დეპარტამენტისა და შსს-ს სპეციალური ოპერატიული დეპარტამენტის მიერ დადგინდა, რომ დანაშაულებრივი დაჯგუფების ორგანიზატორი და ხელმძღვანელი ვახტანგ გვრიტიშვილია. ჯგუფის წევრები იყვნენ მისი ძმა კობა გვრიტიშვილი, ასევე გიორგი ოთარაშვილი, გელა ქავთარაძე, რევაზ დემეტრაშვილი, ალექსანდრე რევაზიშვილი და გარდაცვლილი მალხაზ მოდებაძე.

გამოძიების მასალების მიხედვით, ჯგუფის წევრებმა

იცოდნენ, რომ ნეშან მინასიანის ოჯახი მატერიალურად შეძლებული იყო და ფულის გამოძალვის მიზნით, 1994 წლის 18 იანვარს, მოიტაცეს მისი 19 წლის ვაჟი ვახტანგ მინასიანი, ახლობლებს კი გამოსასყიდის სახით, 150 000 აშშ დოლარის გადახდა მოსთხოვეს. გამტაცებლებს გატაცებული 10 დღის განმავლობაში ჰყავდათ დამწყვედი ჯერ ორმოში, შემდეგ კი - დილოში მდებარე ერთ-ერთ სახლში. გამოძიების ინფორმაციით, 15 000 დოლარის გადახდის შემდეგ, გამტაცებლებმა ვახტანგ მინასიანი გაათავისუფლეს და მისი ოჯახისგან მიიღეს პირობა, რომ დარჩენილ თანხას უახლოეს დღეებში მიიღებდნენ. საქმის მასალების მიხედვით, იმ მიზნით, რომ გატაცების ფაქტი არ გახმაურებულიყო, ჯგუფის წევრებმა მოკლეს ნეშან მინასიანი, მისი მეუღლე ფლორა მინასიანი და ვაჟი - ვახტანგ მინასიანი.

შინაგან საქმეთა სამინისტროს 17 წლის წინ მომხდარ დანაშაულში ბრალდებულების დაკავების სპეცოპერაციის დეტალები არ გაუხმაურებია. თუმცა, უკვე ცნობილია, რომ გიორგი ოთარაშვილს, რევაზ დემეტრაშვილსა და ალექსანდრე რევაზიშვილს ვერდიქტს ნაფიც მსაჯულთა ჟიური გამოუტანს. მინასიანების ოჯახის წევრების

მკვლელობაში ბრალდებული პირების საქმეზე მოსამზადებელი სასამართლო სხდომა, რომელიც დახურული იყო, თბილისის საქალაქო სასამართლოში გაუშინ გაიმართა.

ნაფიც მსაჯულთა შერჩევის სხდომამდე, მოსამართლე მხარეთა მოსაზრებების მოსმენის შემდეგ, შემთხვევითი შერჩევის პრინციპით, 18 წელს მიღწეულ საქართველოში მოქალაქეთა ერთიანი სიიდან შეადგენს ნაფიცი მსაჯულობის კანდიდატთა სიას. შერჩევის სხდომაზე გამოცხადებულ კანდიდატთაგან, მხარეთა მოსაზრებების გათვალისწინებით, შერჩევა 12 ნაფიცი მსაჯული და 2 სათადარიგო მსაჯული..

ჩვენი ინფორმაციით, უახლოეს პერიოდში, სისხლის სამართლის კოდექსში ცვლილება შევა, რომელიც ნაფიც მსაჯულთა უფლებებს უზღვევს. არსებული კანონპროექტით, სისხლის სამართლის კოდექსს დაემატება 367-ე პრიმა მუხლი, რომელიც ნაფიც მსაჯულს თათბირისა და კენჭისყრის საიდუმლოების დარღვევის შემთხვევაში, პასუხისმგებლობას დააკისრებს. კერძოდ, ნაფიც მსაჯულთა სასამართლოს თათბირისა და კენჭისყრის საიდუმლოების დარღვევა დაისჯება ჯარიმით, ან თავისუფლების აღკვეთით, ვადით ორ წლამდე.

საქართველოს პარლამენტის იურიდიული საკითხთა კომიტეტის კანონპროექტით, სისხლის სამართლის საპროცესო კოდექსს დაემატება 367-ე პრიმა მუხლი, რომელიც ითვალისწინებს ნაფიც მსაჯულთა სასამართლოს თათბირისა და კენჭისყრის საიდუმლოების დარღვევის კრიმინალიზაციას.

"ნაფიც მსაჯულთა სასამართლოს თათბირისა და კენჭისყრის საიდუმლოების დარღვევა ისჯება ჯარიმით, ან თავისუფლების აღკვეთით ვადით ორ წლამდე," - ასე დაკავალიფიცირდება ხსენებული მუხლი და აქამდე არსებული მორალური პასუხისმგებლობის გარდა, ნაფიცი მსაჯულს სისხლის სამართლის პასუხისმგებლობაც დაეკისრება.

სასამართლო განხილვისას ნაფიცი მსაჯული არასაპატიო მიზეზით გამოუცხადებლობის შემთხვევაში დაჯარიმდება 1000-დან 1500 ლარამდე, ხოლო თუ ნაფიცი მსაჯული მისთვის დაკისრებულ მოვალეობას არ შეასრულებს, ან არაჯეროვნად შეასრულებს დაჯარიმდება 1000-დან 1500 ლარამდე.

ეს ნორმა ყველა ქვეყანაში მოქმედებს, სადაც კი ნაფიცი მსაჯულების ინსტიტუტი არსებობს. ამ ცვლილებით, ნაფიცი მსაჯულების დასაცავად კიდევ ერთი პერკეტი შექმნება, რადგან ამ შემთხვევაში, კენჭისყრის თათბირის საიდუმლოება მოწოდებულია იქეთკენ, რომ კონკრეტული დამნაშაისთვის არ გახდეს ცნობილი, თუ რომელმა ნაფიცმა მსაჯულმა, რა პოზიცია დაიკავა მისთვის ვერდიქტის გამოტანისას, - აცხადებენ კანონპროექტის ავტორები.

გარდა ამისა, თუ მოქმედი საპროცესო კოდექსით, საჯარო მოსამსახურეებსა და სახელმწიფოს ბიუჯეტით დაფინანსებულ ორგანიზაციებში დასაქმებულ პირებს ნაფიც მსაჯულად სასამართლო პროცესში მონაწილეობის დროს სამუშაო ადგილი და ანაზღაურება უნარჩუნდებოდათ, არსებული კანონპროექტით, ნაფიც მსაჯულად სასამართლო პროცესში მონაწილეობის დროს, სამუშაო ადგილი და ანაზღაურება შეუნარჩუნდება არა მხოლოდ საჯარო სექტორში, არამედ კერძო სექტორში დასაქმებულ პირებსაც.

სისხლის სამართლის საპროცესო კოდექსი ადგენს ნაფიც მსაჯულთა სხვა სოციალურ გარანტიებსაც, რომლის მიხედვითაც, ნაფიც მსაჯულს და მსაჯულობის კანდიდატს უფლება აქვთ დროულად მიიღონ სახელმწიფოსგან ყველა იმ ხარჯის ანაზღაურება, რაც პირდაპირა დაკავშირებული მოვალეობის განხორციელებასთან. ამასთან, დღიური, სამგზავრო ხარჯების და სხვა პირდაპირი ხარჯების ანაზღაურების ოდენობას განსაზღვრავს საქართველოს იუსტიციის უმაღლესი საბჭო. აღსანიშნავია, რომ კოდექსში გათვალისწინებულია მსაჯულთა უსაფრთხოების გარანტიები.

საქართველოს საპროცესო კოდექსში კიდევ ერთი ცვლილებაა მოსალოდნელი. აქამდე მოქმედი კოდექსით, იმისთვის, რომ საქმე არ განხილოს ნაფიც მსაჯულთა სასამართლომ, საჭიროა მხარეთა ერთობლივი შუამდგომლობა. კანონპროექტის მიხედვით კი, მხოლოდ ბრალდებულს შეუძლია იშუამდგომლოს, რომ მისი საქმე განხილოს პროფესიულად სასამართლომ და არა ნაფიც მსაჯულთა ჟიური. შესაბამისად, ნაფიც მსაჯულთა მონაწილეობის გარეშე საქმის განხილვისათვის აღარ არის საჭირო მხარეთა ერთობლივი შუამდგომლობა.

სასჯელი ცრუ შეტყობინებისთვის

თბილისის საქალაქო სასამართლომ ლაშა გაგნიძის საქმის განხილვა დაასრულა. მას ბრალი ტერორიზმის შესახებ ცრუ შეტყობინებისთვის წარედგინა.

საქმის მასალების მიხედვით, ლაშა გაგნიძემ ქორნილის გადახდა, 2011 წლის 30 აპრილს, ვაკის პარკის მიმდებარე ტერიტორიაზე, რესტორან "სენატში" გადაწვევითა. 24 აპრილს, ლაშა გაგნიძე და რესტორნის მენეჯერი შეთანხმდნენ, რომ იგი ორი დღის განმავლობაში ბეს სახით წინასწარ 2000 ლარს გადაიხდიდა. ფულადი თანხის გადახდის მიზნით, გაგნიძე მართ-

ლაც მივიდა რესტორანში, თუმცა "სენატში" საქორნილო დარბაზები უკვე დაკავებული იყო, რის გამოც, მან ვერ მოახერხა საქორნილო სუფრის შეკვეთა. არადა, ამ დროისთვის ლაშა გაგნიძეს სტუმრები, რესტორან "სენატში" უკვე დაპატიჟებული ჰყავდა. მას მოერიდა მათთვის განმარტების მიცემა და გადაწყვიტა ტერორიზმის შესახებ ცრუ შეტყობინება განეხორციელებინა, ვინაიდან, იფიქრა, რომ შეტყობინება გამოიწვევდა სრულ ქაოსს და ის მოახერხებდა სტუმრებისთვის რეალური მიზეზის დამალვას.

ლაშა გაგნიძე სტუმრებთან ერთად რესტორანში მივიდა. დაახლოებით 17:50

წუთზე მან მისი მეუღლის სარგებლობაში არსებული სილქნეტის უკაბელო ტელეფონიდან საქართველოს შსს საპატრულო პოლიციის დეპარტამენტის რადიოსადგურ 022-ის ოპერატორთან დარეკა და განახორციელა ტერორიზმის შესახებ ცრუ შეტყობინება, თითქოსდა რესტორან "სენატში" იყო ბომბი.

სასამართლო განხილვისას ლაშა გაგნიძემ სრულად აღიარა და გულწრფელად მოინანია ჩადენილი დანაშაული. გარდა ლაშა გაგნიძის აღიარებითი ჩვენებისა, მის მიერ აღნიშნული დანაშაულის ჩადენა დადასტურდა მხარეთა მიერ წარმოდგენილი მონეტარული ჩვენებებით, სატელეფონო

საუბრების კრებსებით, ფონოსკოპიური ექსპერტიზის დაკვნიტ და საქმეში არსებული სხვა უტყუარი მტკიცებულებებით.

თბილისის საქალაქო სასამართლომ დაამტკიცა მხარეთა შორის დადებული საპროცესო შეთანხმება და ლაშა გაგნიძეს განაჩენთა ერთობლიობით სასჯელის სახედ და ზომად 4 წლითა და 6 თვით თავისუფლების აღკვეთა გაუსაზღვრა, საიდანაც 2 წელსა და 6 თვეს მსჯავრდებული სასჯელალსრულების დაწესებულებაში მოიხდის, ხოლო დარჩენილი 2 წელი ჩათვალა პირობითად, 3 წლის გამოსაცდელი ვადით.

ჩანართი მომზადებულია პროექტის "სასამართლო ხელისუფლების მხარდაჭერა" ფარგლებში, რომელსაც ახორციელებს გაეროს განვითარების პროგრამა (UNDP).

გამოცემაში გამოთქმული მოსაზრებები ეკუთვნის მათ ავტორებს და შესაძლოა არ ემთხვეოდეს გაეროს განვითარების პროგრამის (UNDP) მოსაზრებებს.